

KANTONALNI SUD U SARAJEVU, sa sjedištem u ulici Šenoina broj: 1. Sarajevo, ID broj: 4200235110001 (u daljem tekstu Naručilac) koga zastupa i predstavlja Predsjednik suda **Vladimir Špoljarić**

i

DIGITARIJA d.o.o. Sarajevo, sa sjedištem u ulici Zmaja od Bosne broj: 14 C. Sarajevo ID broj: 4201551320006 (u daljem tekstu Izvršilac) koga zastupa i predstavlja izvršni direktor **Rašid Pilav**

Na osnovu Odluke broj: 009-0-Su-20-000492 od 12.08.2020.godine, a nakon provedenog Konkurentnog postupka za dostavu ponuda javne nabavke ugovorne strane **z a k l j u č u j u** :

UGOVOR

O NABAVCI LICENCI ZA MICROSOFTOV SOFTVER

Član 1.

Predmet ovog Ugovora jeste nabavka i isporuka roba-Licence za Microsoftov softver za potrebe Kantonalnog suda u Sarajevu- **80 komada Licenci za Microsoft Office Home and Business 2019 (trajna 1 uređaj Word 2019, Excel 2019, PowerPoint 2019, OneNote 2019 i Outlook 2019. za poslovnu ili kućnu upotrebu, i svi jezici su uključeni)** i to prema zahtjevu Naručioca, a u skladu sa prihvaćenom ponudom Izvršioca broj: 0181/20 od 19.08.2020. godine koja je sastavni dio ovog ugovora. Ukupna vrijednost ugovora iznosi 30.660,00 KM bez PDV-a i sa PDV-om 35.872,20 KM.

Član 2.

Izvršilac se obavezuje da će navedenu isporuku robe iz člana 1.ovog ugovora u skladu sa pozitivnim zakonskim propisima i ovim ugovorom isporučiti prema utvrđenim tehničkim karakteristikama u Obrascu za cijenu ponude – robe, kao i uslovima iz tenderske dokumentacije i prihvaćene ponude, izvršiti isporuku robe u roku od najkasnije 7 (sedam) dana od obostranog potpisivanja ugovora, prema utvrđenim jediničnim cijenama iz dostavljene ponude, te se obavezuje na garantni period u trajanju od 12 (dvanaest) mjeseci od dana isporuke.

Cijena nabavke navedene u ponudi je nepromjenljiva u toku trajanja ugovora, a sve u skladu sa obrascem za cijenu ponude kao i tehničkom specifikacijom koja je sastavni dio tenderske dokumentacije.

Član 3.

Isporuka će se izvršiti u prostorijama Kantonalnog suda u Sarajevu i to na adresi: Šenoina broj: 1, Sarajevo, u skladu sa dogovorom IKT odjela.

Član 4.

Izvršilac je dužan isporuku robe iz člana 1. izvršiti u skladu sa potrebama Naručioca i njegovim pismenim narudžbama.

Ukoliko se nakon prijema robe od strane Kupca pokaže da roba ima neki nedostatak koji se nije mogao otkriti uobičajenim pregledom prilikom preuzimanja robe, odnosno ima skriveni nedostatak, Kupac je dužan o tom nedostatku bez odlaganja obavijestiti Dobavljača. Dobavljač će, nakon što je saznao da roba koja je predmet nabavke ima nedostatke, u najkraćem mogućem roku izvršiti zamjenu neispravne ili neadekvatne robe, a najkasnije u roku od 7 (sedam) dana.

Član 5.

Naručilac je obavezan izvršiti plaćanje fakture za isporučenu robu u roku od 30 dana od datuma dospjeća fakture putem JRT Kantona Sarajevo i to na račun Izvršioca broj: 1401011120023337 kod Sberbank BiH .

Član 6.

Ovaj Ugovor se zaključuje na određeni period do 7 (sedam) dana od dana obostranog potpisivanja Ugovora, odnosno do potpune finansijske realizacije nabavke iz člana 1. ovog Ugovora.

Član 7.

Sve eventualne sporove ugovorne strane će rješavati mirnim putem, a ako u tome ne uspiju, nadležan je Općinski sud u Sarajevu.

Član 8.

Ugovor je sačinjen u četiri /4/ istovjetna primjerka od kojih svaka ugovorna strana zadržava po dva /2/ za svoje potrebe.

Izvršilac:

Digitarija d.o.o. Sarajevo

Direktor

Broj: _____

Naručilac:

KANTONALNI SUD U SARAJEVU

Predsjednik suda

Vladimir Špoljarić

Broj: 009-0-Su-20-000492